



## K – ISikhokelo seSebe i-WCED Ukulawulwa kokhuseleko Iweehostele ngethuba le-Covid-19

ICandelo eLikhulu loPhuhliso noQuquzelelo lwamaZiko	K- ISikhokelo seSebe i-WCED: Ukulawulwa kokhuseleko Iweehostele ngethuba le-Covid-19	
K - ISikhokelo seSebe i-WCED	Sikhutshwe: 22 Meyi 2020	Masijongisiswe njengesiyimfuneko naxa kuyimfuneko

Sivunywe yiNtloko yeSebe:



BK Schreuder  
Umhla: 2020-05-22

## **K- ISIKHOKELO SESEBE I-WCED: UKULAWULWA KOKHUSELEKO LWEHOSTELE NGETHUBA LE-COVID-19**

### **1. Injongo**

Esi sikhokelo sesokulungiselela ukulawulwa kwezikolo neehostele ukwenzela ukubuyela kwabafundi kwiihostele kunye nokuba inokulawulwa njani indawo engqonge ihostele ngexesha le-Covid-19.

### **2. Amalungiselelo okubuyela kwabafundi kwiihostele.**

- 2.1. Iihostele kufuneka zicocwe phambi kokuba abafundi babuyele ehostele. Kucelwa ufunde iSikhokelo seSebe iWCED: Ukucocwa kwezikolo kunye nokugcinwa kwempilo nococeko.
- 2.2. Amagumbi kufuneka elungiselelwe, ukuthathela ingqalelo imimiselo yomqathango wokuqelelana.
- 2.3. Amagumbi alungiselelwe ukulala, kufuneka alungiswe. Kuqinisekiswa ukuba iibhedi ezisemagumbini okulala zikwisithuba seemitha eziyi-2 ubuncinane bokuqelelana.
- 2.4. Isicoci sezandla esibulala iintsholongwane okanye ulwelo lwesepha yokuhlamba izandla kufuneka lwenziwe lufumaneke kubafundi ukuze balusebenzise ngawo onke amaxesha.
- 2.5. Makuqinisekiswa ukuba ikhona indawo yokuhlalisa umntu yedwa okwethutyana ehostele umfundi okanye umsebenzi wasehostele xa kukho imfuneko.
- 2.6. Indawo(iindawo) efanelekileyo yokuba abafundi mabafunde okanye benzele kuyo umsebenzi wasekhaya bejongiwe kufuneka yenziwe ukulungiselela ukuphunyezwa komqathango woqelelwano.
- 2.7. Ithayimthebhile yamaxesha eyenzelwe ukusetyenziswa kwegumbi lokuhlambela kusasa nasebusuku.
- 2.8. Makulungiselelwe amaxesha okutya kwabafundi angenalugxalathelwano ukwenzela ukuba kungabikho kuxinana xa kusetyenziswa izixhobo zegumbi lokutyela. Kufuneka kuthathelwe ingqalelo amanani kunye namalungiselelo okuhlala xa kutyiwayo.
- 2.9. Kumabakala okuqala okubuyela kwabafundi ehostele, ukwabiwa kwamagumbi kufuneka kuthathele ingqalelo imfuneko yokwahlulwa kwabafundi kangangoko kunako.

### **3. Xa abafundi bebuya**

- 3.1. Bonke abafundi, kuquka abasebenzi basehostele, kufuneka bahlolwe xa befika ehostele. (Kucelwa ufunde iSikhokelo D seSebe iWCED: Ukuhlolwa kwabasebenzi kunye nabafundi).
- 3.2. Abasebenzi basehostele kufuneka bahlolwe qho kusasa.
- 3.3. Zonke iinkcukacha eziqokelelwe kuhlobo kufuneka zirekhodwe.
- 3.4. Ukuhlolwa ehostele kohlukile kukuhlolwa esikolweni, okt. Abafundi abahlala ehostele kufuneka bahlolwe kwakhona qho kusasa xa besiya esikolweni.
- 3.5. Abafundi bakuqhelaniswa malunga nezempilo kunye nokhuseleko ehostele ngexesha likabhubhane. (Kucelwa ufunde iSikhokelo C seSebe i-WCED: Ukuqhelaniswa kwabasebenzi kunye nabafundi.)
- 3.6. Abafundi kwihostele kufuneka bagcine umgama okhuselekileyo ukusuka komye umntu ngawo onke amaxesha.
- 3.7. Abafundi mabangawandwendweli amanye amagumbi.
- 3.8. Abafundi mabangabuthelani bengamaqela emagumbini.
- 3.9. Abafundi mabafunde okanye benze umsebenzi wasekhaya bejongiwe, kwindawo efanelekileyo bebambebelele kumqathango wokuqelelana.
- 3.10. Abafundi mababambebelele kumaxesha abekiweyo alungiselelwe ukusebenzisa izixhobo zegumbi lokuhlamba kusasa nasebusuku.
- 3.11. Abafundi mababambebelele kumaxesha alungiselelwe ukutya angenalugxalathelwano.
- 3.12. Abafundi akuyomfuneko ukuba banxibe imaski xa besehostele kodwa kufuneka bayinxibe xa bephuma ehostele.
- 3.13. Abafundi kufuneka bafundiswe ukuba bazikhathalele kwaye bazihlambe njani iimaski zabo. Ukuba kunokwenzeka, abafundi ehostele kufuneka basebenzise imaski ezintathu.
- 3.14. Abasebenzi abangahlali ehostele kufuneka bahlolwe yonke imihla xa befika kwaye banxibe iimaski ngalo lonke ixesha.
- 3.15. Abasebenzi basekhitshini mabanxibe i-PPE xa belungisa ukutya naxa betyisa abafundi.
- 3.16. Abafundi kunye nabasebenzi kufuneka bakuthintele ukubambana ngezandla, ukwangana kunye nokudibana ngqo.
- 3.17. Ukuba kuthe kwakho umfundi okanye umsebenzi oye wagula, isikolo kufuneka silandele izikhokelo ezibonelelwe kwiSikhokelo L seSebe i-WCED: UkuLawulwa kosuleleko yi-Covid-19 ezikolweni.
- 3.18. Inqununu kufuneka yaziswe ngokukhawuleza ukuba umfundi, utitshala okanye umsebenzi wasehostele uye wadibana ngqo nomntu ekungqinwe ukuba wosulelekile okanye ufunyaniswe ngokuxilongwa ukuba wosulelekile yi-COVID-19.
- 3.19. Ukuba abafundi bayagoduka ngeempela-veki, kufuneka bahlolwe ngokubuya.

#### **4. Xa kukho umntu orhaneleka ngokosuleleka yi-Covid-19 ehostele**

- 4.1. Ukuba umfundi ohlala ehostele ubonakalisa iimpawu ezinxulumene ne-Covid-19, umfundi makahlaliswe yedwa ade abenokulandwa okanye athathwe agoduswe.
- 4.2. Abazali/abagcini babafundi kufuneka baziswe ngokukhawuleza.
- 4.3. Xa kulandwa umfundi, kufuneka umzali abonelelwe ngeenkukacha zokuba angenza ntoni xa umfundi ebonisa iimpawu ze-Covid-19.

#### **5. Ukuba kukho umntu ekuqinisekiswa ukuba wosulelekile yi-Covid-19 ehostele**

- 5.1. Inqununu kufuneka ixele bonke abantu ekuqinisekiswa ukuba bosulelekile kuMlawuli weSekethe/kuMlawuli weSithili ngokukhawuleza, kwakunye, neenkukacha zomntu owosulelekileyo, ezinjengo kuba:
  - Ebegqibele nini umfundi esikolweni okanye ehostele?
  - Ebehlala noobani egumbini?
  - Bebekhe badibana nabani **ngqo**?
  - Bebekhe badibana nabani njee?
- 5.2. Ukuhlolwa kwehostele kuya kwenziwa liSebe lidibene nenqununu kunye neSebe lezeMpilo. Isikolo siya kucetyiswa sisithili ngamanyathelo amawathatyathwe.
- 5.3. Oku kunokuquka:
  - Ukuhlaliswa bodwa (*isolation*) kwabafundi (okanye kwabanye abafundi) ehostele ixesha eliya kuba ziintsuku eziyi-14.
  - Ukuvalwa kwamacandelo ehostele kwaye acocwe ukubulala iintsholongwane
  - Ukuvalwa kwehostele nokucocwa ukubulala iintsholongwane, nokuvulwa kwakhona emva koko,
- 5.4. Makukhunjulwe ukuba yiNtloko yeSebe kuphela enokunika imvume yokuvalwa kweziko lemfundo. INtloko yeSebe iya kucetyiswa liSebe lezeMpilo.